



ҚАЗАҚСТАН
РЕСПУБЛИКАСЫНЫҢ
ҰЛТТЫҚ БАНКІ
№ 6 БАСПАСӨЗ РЕЛИЗИ

*«Ғарыш» монеталар сериясынан
«proof» сапасымен «Буран» ескерткіш биколорлы монетасын
айналысқа шығару туралы*

2015 жылғы 28 қаңтар

Алматы қаласы

Қазақстан Республикасының Ұлттық Банкі 2015 жылғы 28 қаңтардан бастап «proof» сапасымен номиналы 500 теңгелік «Ғарыш» монеталар сериясынан «Буран» ескерткіш биколорлы монетасын айналысқа шығару туралы хабарлайды.

«Буран» биколорлы (құрамдас) монета ортасында сақина мен дискі орналасқан шеңбер түрінде. Монетаның ішкі дискі түсін алтындалатын түске өзгерту технологиясын қолдана отырып танталдан, сыртқы сақина күмістен жасалған. Монетаның бет жағында (аверсінде) адам мен Ғалам бірлігінің нышаны, өткен күн мен бүгінгі күннің байланысы ретінде композиция бейнеленген. Оң жағында монетаның номиналын білдіретін «500 ТЕҢГЕ» деген жазба бар. Номиналдың астында Қазақстан теңге сарайының тауар белгісі және екі жолға орналастырылған және монета дайындалған металды, оның сынамын және массасын білдіретін «Ag 925 14,6 g Та 26,8 g» деген жазу бар. Айналысқа мемлекеттік тілде «ҚАЗАҚСТАН РЕСПУБЛИКАСЫ» және ағылшын тілінде «REPUBLIC OF KAZAKHSTAN» деген жазу орналасқан.



Монеталардың сырт жағында (реверсінде) «Буран» ғарыш кемесінің жер маңындағы орбитаға шығуы барысындағы бейнесі орналасқан. Жоғары бөлігінде айналысқа мемлекеттік тілде «БУРАН», ағылшын тілінде «BURAN» және соғылған жылын білдіретін «2014» деген сан орналасқан.

Монеталардың бет және сырт жағындағы бейнелер мен жазбалар бедерленген. Айналысқа шығыңқы жиек. Қыры (гурты) бедерленген. Монета биколорлы орындауда:

сақинасы – 925/1000 сынамды күмістен, массасы 14,6 грамм, дискі танталдан массасы 26,8 грамм, диаметрі – 38,61 мм, «proof» сапасымен дайындалған, таралымы – 3 мың дана.

Номиналдық құны 500 теңгелік ескерткіш монета Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

«Буран» биколорлы монетасы ғарышты зерттеу және ғаламның құпияларын тану тарихындағы айтулы оқиғаларға арналған серияны жалғастыратын күмістен/танталдан және нейзильбер қоспасынан жасалған монеталардың тоғызыншы жұбы болып табылады. Монета әуе-ғарыш өнеркәсібінде кеңінен пайдаланылатын металл – танталды қолдана отырып дайындалды. Монеталарды дайындау кезінде танталдың түсін өзгерту технологиясы қолданылды.

«Буран» – «Энергия-Буран» бағдарламасы шеңберінде құрылған, кеңестік көп реттік көліктік ғарыш жүйесінің орбиталық ғарыш кемесі. Өзінің алғашқы және жалғыз ғарышқа ұшуын «Буран» пилотсыз режимде 1988 жылғы 15 қарашада жүзеге асырды. Бұл факт – ғарышқа ғарыш аппаратының ұшуы және оның борттағы компьютердің басқаруымен Жерге автоматты түрде қонуы Гиннестің рекордтар кітабына енді. Ғарыш кемесі Байқоңыр ғарыш айлағынан «Энергия» тасымалдауыш-зымыранының көмегімен ұшырылды.

Ескерткіш монетаны «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған. Монетаның дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген. «Proof» сапасымен жасалған ескерткіш монета коллекциялық құны бойынша сатуға арналған. Ол кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Монетаны Қазақстан Республикасы Ұлттық Банкінің барлық филиалдарында, сондай-ақ ҚРҰБ-ның www.nationalbank.kz сайтының «Ұлттық валюта» парақшасындағы интернет-дүкен арқылы сатып алуға болады. Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны: +7 (727) 2738 398.

Толығырақ ақпаратты мына телефондар бойынша алуға болады: +7 (727) 2704 639, +7 (727) 2704 585; +7 (727) 3302 497, e-mail: press@nationalbank.kz, www.nationalbank.kz.